

THRACIA ET BULGARIA 71

Thracia quæ hodie Romania, à Thrace Martis filio, siue asperitate sic dicta; r̄p̄d̄x enim asperū Græcis dicitur, regiō est nec cōelo nec solo, nisi vbi mari vicinior est, satis secunda tēperata que, frigida est, & eorum quæ feruntur, malignè admodum patiens; raro vsquam pominferam arborem, vitæ frequentius tolerat sed nec eius quidem fructus maturat ac mitigat, nisi vbi frigora obiectu frondium cultores arcuere. In ea quondam vrbes celebriores fuere Apollophania, Enos, Nicopolis, Byzantium que postea à Constantino Constantinopolis dicta est, & in maius aucta, gloriofissimi Imperij sedes & Orientis torius caput' delecta, Perynthos, Lysimachia, Callipolis, amnes verò Hebrus, Nestos, Strymon, Montes, Haemus, Rhodope & Orbelos. Homines habet feros, asperos & numerosos, adeò vt si aut vnius imperio regerentur, aut idem sentirent, inexpugnabiles forent, & omnium gentium multè validissimi: sed quia arduum hoc illis est, & nulla ratione contingere potest, idem imbecilles sunt. Moribus tamen & opinionibus consimilibus sunt imbuti, præter Getas & Trausos, & qui supra Crestonā incolunt, ex quibus Getæ se non mori persuasum habuere, sed ad Zalmaxim devū suum post fatum migrare, fuit hic Zalmaxis homo Pythagoræ quodam discipulus, qui in patriam reuersus cum animaduerteret Thraces malè viuere & inscritè, ipse edocet Ionicum viuendi genus & mores; ipsis leges dedit, docuitque atque persuasit popularibus eas seruantibus post obitum ad se in eum locum ire, vbi superstites omnium bonorum compotes essent; per hoc deitatis opinionem consecutus, è Thracum se conspectu subduxit atque euanuit, maximo sui post se desiderio relicto. Thraces dum tonat fulguratque in celum sagittas excutiunt, Deo minitantes, quod nullum alium præter suum esse arbitrentur. Trausi verò circa natalitia suorum atque obitus hoc faciunt: edito puero propinqui circum sedentes eum ploratione prosequuntur, recensentes quascunque necesse est illi, quod vitam ingressus sit, calamitates perpeti humanas. Hominem fato functum per lusum atque lætitiam terræ demandant, referentes quod malis libertus in omni sit modò felicitate. At qui supra Crestonā incolunt, ista agunt: singuli plures uxores habent, quorum vbi quis decessit, disceptatio magna fit inter uxores quæ nam dilecta fuerit à mari- to præ: ipuè: & quæ talis iudicata est & hunc honore adepta, ea à viris & mulieribus exornata, ad tumulum à propinquissimo suo mactatur, vnaque cum viro humatur, cæteris uxoribus id sibi pro ingenti calamitate ducentibus ac lugentibus, nam id eis dedecori datur. Ociari & ex rapto viuere pro re honesta habent: contrà, agros colere pro despiciatissima. Corporum magnitudine Thraces omnes homines antecedunt, cæruleis oculis ac truci visu, terrifico vocis sono, annosa aetate. Aedificia modicè ab humo eleuata. In Regis electione non nobilitas præualet, sed suffragium vniuer- forum. Populus enim eligit spectatum moribus & inueterata clementia, etiam annis grauem, & cui liberi non sunt. Nam qui pater fuerit, etiam si vita spectatur, ad regendum non admittitur; & si forte dum regnat, pignus iustulerit, potestate exiuit, & sic custoditur ne regnum fiat hereditariū. Tum si rex etiam maximam præ se ferat æquitatem, nolunt ei totum licere, quadragesinta ergo recto- res accipit, ne in causis capitum solus iudicet. Quod si ipse etiam in peccato aliquo arguitur, morte mactatur: non tamen ut cuiusquam manu atrectetur, sed consensu publico rerum omnium ipsi potestate interdicta, tandem fame pereat. BVLGARI gens ferox putantur è Scythia olim egredi, in- tuleruntque plurima damna regno Constantinopolitano, vexaruntque Christianos modis varijs, quoque tempore nepotum Caroli magni facte sunt inducȝ & conditions pacis, & captiuia que- dā quæ in regia Christianorum seruierat veluti serua, soror Regis Bulgarorum redditā est: didi- cit autem hæc soror Regis, cùm esset in captiuitate, literas: suscepitque ritum Christianorum & Baptisma, & tandem frati restituta, instituit ipsum præceptis Christianis, monuitq; ut idola abiice- ret, & vero Deo obsequia præstaret. & licet Rex sorori annueret, ausus tamen non erat repente à patria religione discedere, verū accessit occasio assumendi Christianam religionem. Nam pestis vndique regionem inuasit, ac tam crudeliter vndique grassabatur, ut Libitina non sufficeret, anxius rex sororem rogauit ut huic malo remedium cogitaret; at illa solum Christum Saluatorem inuo- candum ceuuit, acquiescit rex, baptizaturque cum omni populo, ac serfito quodam sacrorum pon- tifice, à quo mysteria fidei acceperunt, & mox potentia Dei innotuit, sedataque est pestis. Fama est primum regem Christianum in Bulgaria Trebellium vocatum, is monasticam secutus vitam, ex duobus filiis regnum maiori natu reliquit. Rediit nouus rex non multè post ad Dæmonum cultū, pietatem patris & institutum aspernatus. Nec id filii scelus tulit Trebellius, sed persona quam ge- rebat ad tempus deposita, regiam induit, receptaque regni gubernaculo, filium impieatis increpi- tum luminibus priuat, regnum dans minori natu, quod piè ex suoque instituto administraret: ipse- que in documentum deditisse contentus, continuò se in ordinem redigit, atque hæc facta scribuntur circa annum Christi 869.



